

Die schönsten Schweizer Kinderlieder:

Zusammengestellt von:

familienleben

Rägetröpfli

Räge-, Rägetröpfli
Es ragnet uf mis Chöpfli
Es ragnet us em Wolkedach
Und alli Bluemli werded nass
Und alli Steinli uf dä Gass
Räge-, Rägetröpfli

Schlaf, Chindli, schlaf

Schlaf, Chindli, schlaf.
Dr Vatter huetet d Schaf;
U d Mueter schüttlet ds Böimeli,
Da fallen abe Tröimeli.
Schlaf, Chindli, schlaf

Jungi Schwän und Äntli

Jungi Schwän und Äntli schwümed uf em See,
d Chöpfli tüends is Wasser i has sälber gseh.
Händs en grosse Hunger, schwümeds dänn as Land,
ässed gueti plettli, Würmli usem Sand.

Gönd dänn go spaziere ohni Strümpf und Schue,
uf em grüne Wisli schnäderets imerzue.
Chömeds dänn zum Stägi möchtets gern i d rue,
gönd is Äntehüusli, wer machts Tüerli zue?

Uf 'm Bergli bin i g'sässe

Uf 'm Bergli bin i g'sässe,
Ha' de Vögle zugeschaut,
Hänt gesprungen,
Hänt s'Nestli gebaut.

In ä Garte bin i g'stande,
Ha de Imbli zugeschaut,
Hänt gebrummet, hänt gesummet,
Hänt Zelli gebaut.

Uf d'Wiese bin i gange,
Lugt' i Summervogle an,
Hänt gesoge, hänt gefloge,
Gar z'schön hänts getan!

I han e chlyses Schiffli

I han e chlyses Schiffli
I gahne mit zum See
Und gib em dänn es Püffli
Dänn fahrts devo juhee

Im Schiffli staht en Fahne
Die fladeret hin und her
Und tuet mit ganz dra mahne
Wie wänns es Dampfschiff wär

Eusi zwei Chätzli

Ja, eusi zwei Chätzli
sind tuusigi Frätzli,
händ schneewyssi Tätzli
und Chrälledi draa.

Händ spitzigi Öhrli
und sidigi Höörli
und s'gaat e käs Jöhrli
so fangeds scho aa:

Si schliched ums Hüüsli
und packed die Müüsli
und plaged si grüüsli,
wär gsächt näs scho aa?

Heile heile Säge

Heile heile Säge

Drei Tag Räge

Drei Tag Sunneschy

s wird bald wider besser sy

Heile heile Säge

Drei Tag Räge

Drei Tag Schnee

S teut em Chindli nümme weh